

cædis factum est instrumentum, hoc vas apparuit insuperabile. Peccavit illa prior, et mortua est: ista mortua est, ne peccaret. Illa tum futilis promissis inflata, Dei leges violavit; hæc vitam præsentem contempsit, ne fidem in suum benefactorem ejuraret. Quam igitur deinceps sperare poterunt excusationem viri, si molles sint, et ignavi; quam vero veniam, cum fortiter, ac viriliter se gerant mulieres, cum a deo se generose ad certamina pietatis accingant?

**R.** Dilexisti justitiam, et odisti iniquitatem: \* Propterea unxit te Deus, Deus tuus oleo lætitiæ. **V.** Propter veritatem, et mansuetudinem, et justitiam. — Propterea.

**Lectio vij.**

**F**uit illi corpus imbecillum, et obnoxius sexus injuriæ; verumtamen omnium horum imbecillitatem adveniens gratia occultavit. Nihil enim est eo, qui magno cum studio Dei timorem habeat in mente defixum, sed quamvis ignes, quamvis ferrum, quamvis bestias, quamvis aliud quidvis minentur hostes, omnia nullo negotio contemnit; quod utique Beata ista etiam fecit.

**R.** Fallax gratia, et vana est pulchritudo: \* Mulier timens Deum, ipsa laudabitur. **V.** Date ei de fructu manuum suarum, et laudent eam in portis operæ ejus. — Mulier. Gloria Patri. Mulier.

**Commune Dedicationis Ecclesiae.**

IN I. VESPERIS.

**Antiphonæ.**

Domum tuam Domine \* decet sanctitudo, in longitudinem dierum.

**Psalmi ut in j. Vesperis de Communi Apostol. [2] et loco ultimi, Ps. Lauda Jerusalem. ut infra.**

2. Domus mea, \* domus orationis vocabitur.

3. Hæc est domus Domini \* firmiter ædificata, bene fundata est supra firmam petram.

4. Bene fundata est \* domus Domini supra firmam petram.

5. Lapidis pretiosi \* omnes muri tui, et turre Jerusalem gemmis ædificantur.

**Psalmus cxlvij.**

**L**auda Jerusalem Dominum: \* lauda Deum tuum Sion.

Quoniam confortavit seras portarum tuarum: \* benedixit filiis tuis in te.

Qui posuit fines tuos pacem: \* et adipe frumenti satiavit te.

Qui emittit eloquium suum terræ: \* velociter currit sermo ejus.

Qui dat nivem sicut lanam: \* nebulam sicut cinerem spargit,

Mittit crystallum suam sicut buccellas: \* ante faciem frigoris ejus quis sustinebit?

Emittet verbum suum, et liquefaciet ea: \* flabit spiritus ejus, et fluent aquæ.

Qui annuntiat verbum



suum Jacob : \* justítias, et  
judícia sua Israel.

Non fecit táliter omni  
natióni : \* et judícia sua  
non manifestávit eis.

**Aña.** Lápides pretiósí  
omnes muri tui, et turre  
Jerúsalem gemmis ædifi-  
cabúntur.

**Capitulum.** Apoc. xxj.



Idi civitátem san-  
ctam Jerúsalem  
novam descendén-  
tem de cœlo a Deo, pará-  
tam sicut sponsam orná-  
tam viro suo.

**Hymnus.**

**C**œléstis urbs Jerúsa-  
lem,  
Beáta pacis visio,  
Quæ celsa de vivéntibus  
Saxis ad astra tólleris,  
Sponsæque ritu cingeris  
Mille Angelórum millibus.  
**O** sorte nupta próspéra,  
Dotáta Patris glória,  
Respérsa sponsi grátia,  
Regína formosíssima,  
Christo jugáta Principi,  
Cœli corúsca cívitas.

**Hic** margarítis émicant,  
Paténtque cunctis óstia :  
Virtúte namque prævia  
Mortális illuc dúcitur,  
Amóre Christi pércitus  
Torménta quisquis sústi-  
net.

**Scalpri** salúbris íctibus,  
Et tunsióné plúrima,

Fabri políta málleo  
Hanc saxa molem cón-  
struunt,

Aptísque juncta néxibus  
Locántur in fastigio.

**Decus** Parénti débitum  
Sit usquequáque altíssi-  
mo,

Natóque Patris único,  
Et inclyto Paráclito,  
Cui laus, potéstas, glória  
Ætérna sit per sæcula.  
Amen.

**℟.** Hæc est domus Dó-  
mini firmiter ædificáta.  
**℞.** Bene fundáta est supra  
firmam petram.

**Ad Magnif. Aña.** Sancti-  
ficávit Dóminus \* taber-  
náculum suum : quia hæc  
est domus Dei, in qua in-  
vocábitur nomen ejus, de  
quo scriptum est : Et erit  
nomen meum ibi, dicit  
Dóminus.

**In ipso die Dedicationis  
Ecclesiae et per Octavam,  
et quando varianda est  
Oratio ob concursum De-  
dicationis alterius Eccle-  
siae, Oratio.** Deus, qui in-  
visibíliter. **ut infra.** [175]  
**In Anniversario Dedicat.  
Ecclesiae, et per Octavam.**

**Oratio.**

**D**eus, qui nobis per  
singulos annos hujus  
sancti templi tui conse-  
cratiónis réparas diem, et

sacris semper mystériis  
repræséntas incólumes :  
exáudi preces pópuli tui,  
et præsta ; ut quisquis hoc  
templum beneficia petitú-  
rus ingréditur, cuncta se  
impetrásse lætétur. Per  
Dóminum.

**AD MATUTINUM.**

**Invitat.** Domum Dei de-  
cet sanctitúdo : \* Sponsum  
ejus Christum adorémus  
in ea. **Ps.** Veníte. 2.

**Hymnus.** Cœléstis urbs.  
**ut in j. Vesperis.** [162]

**In I. Nocturno.**

**Aña.** Tóllite \* portas prin-  
cipes vestras, et elevámini  
portæ æternáles.

**Psalmus cxij.**

**D**omini est terra, et  
plenitúdo ejus : \*  
orbis terrárum, et  
universi qui hábitant in eo.  
Quia ipse super mária  
fundávit eum : \* et super  
flúmina præparávit eum.  
Quis ascéndet in montem  
Dómini ? \* aut quis stabit  
in loco sancto ejus ?

Innocens mánibus et  
mundo corde, \* qui non  
accépit in vano ánimam  
suam, nec jurávit in dolo  
próximo suo.

Hic accípiet benedictió-  
nem a Dómino : \* et mi-  
sericórdiam a Deo salu-  
tári suo.

Hæc est generátio quæ-  
réntium eum, \* quærén-  
tium faciém Dei Jacob.

Attóllite portas prin-  
cipes vestras, et elevámini  
portæ æternáles : \* et in-  
troíbit Rex glóriæ.

Quis est iste Rex gló-  
riæ ? \* Dóminus fortis et  
potens : Dóminus potens  
in prælio.

Attóllite portas prin-  
cipes vestras, et elevámini  
portæ æternáles : \* et in-  
troíbit Rex glóriæ.

Quis est iste Rex gló-  
riæ ? \* Dóminus virtútum  
ipse est Rex glóriæ.

**Aña.** Tóllite portas prin-  
cipes vestras, et elevámini  
portæ æternáles.

**Aña.** Erit mihi \* Dómi-  
nus in Deum, et lapis iste  
vocábitur domus Dei.

**Psalmus cxlv.**

**D**eus noster refúgium,  
et virtus : \* adjútor  
in tribulatióibus, quæ in-  
venérunt nos nimis.

Proptérea non timébi-  
mus dum turbábitur ter-  
ra : \* et transferéntur  
montes in cor maris.

Sonuérunt, et turbáta  
sunt aquæ eórum : \* con-  
turbáti sunt montes in  
fortitúdoine ejus.

Flúminis ímpetus lætífi-  
cat civitátem Dei : \* san-



ctificávit tabernáculum suum Altíssimus.

Deus, in médio ejus, non commovébitur : \* adjuvábít eam Deus mane dilúculo.

Conturbátæ sunt Gentes, et inclináta sunt regna : \* dedit vocem suam, mota est terra.

Dóminus virtútum nobíscum : \* susceptor noster Deus Jacob.

Veníte, et vidéte ópera Dómini, quæ pósuit prodígia super terram : \* áuferens bella usque ad finem terræ.

Arcum cónteret, et confrínget arma : \* et scuta combúret igni :

Vacáte, et vidéte quóniam ego sum Deus : \* exaltábor in Géntibus, et exaltábor in terra.

Dóminus virtútum nobíscum : \* susceptor noster Deus Jacob.

**Añã.** Erit mihi Dóminus in Deum, et lapis iste vocábitur domus Dei.

**Añã.** Ædificávit \* Móyses altáre Dómino Deo.

**Psalmus rlvij.**

**M**agnus Dóminus, et laudábilis nimis \* in civitáte Dei nostri, in monte sancto ejus.

Fundátur exsultatíone

univérsæ terræ mons Sion, \* látera Aquilónis, civitas Regis magni.

Deus in dómibus ejus cognoscétur, \* cum suscipiet eam.

Quóniam ecce reges terræ congregáti sunt : \* convenérunt in unum.

Ipsi vidéntes sic admiráti sunt, conturbáti sunt, commóti sunt : \* tremor apprehéndit eos.

Ibi dolóres ut parturiéntis, \* in spíritu veheménti cónteres naves Tharsis.

Sicut audívimus, sic vídimus in civitáte Dómini virtútum, in civitáte Dei nostri : \* Deus fundávit eam in ætérnum.

Suscépimus Deus misericórdiam tuam, \* in médio templi tui.

Secúndum nomen tuum Deus, sic et laus tua in fines terræ : \* justítia plena est dextera tua.

Lætétur mons Sion, et exsúltent filiaé Judæ, \* propter judícia tua Dómine.

Circúmdate Sion, et complectímmini eam : \* narráte in túrribus ejus.

Pónite corda vestra in virtúte ejus : \* et distribúite domos ejus, ut enarretís in progénie áltera.

Quóniam hic est Deus, Deus noster in ætérnum, et in sæculum sæculi : \* ipse reget nos in sæcula.

**Añã.** Ædificávit Móyses altáre Dómino Deo.

**V.** Domum tuam Dómine decet sanctitúdo. **R.** In longitúdinem diérum.

Pater noster. **Absolutio.** Exáudi Dómine. **V.** Jube domne. **Benedictio.** Benedictióne perpétua.

De libro secúndo Paralipómenon.

**Lectio j.** **Cap. vij.**

**Q**UM compléset Sálomon fundens preces, ignis descendit de cœlo, et devorávit holocáusta et víctimas : et majéstas Dómini implévit domum. Nec póterant sacerdótes ingredi templum Dómini, eo quod impléset majéstas Dómini templum Dómini. Sed et omnes filii Israel vidébant descendéntem ignem, et glóriam Dómini super domum : et corruéntes proni in terram super paviméntum stratum lápide, adoravérunt, et laudavérunt Dóminum : Quóniam bonus, quóniam in sæculum misericórdia ejus. Rex autem, et omnis pópulus immolábant víctimas coram

Dómino. Mactávit igitur rex Sálomon hóstias, boum vigínti duo millia, arietum centum vigínti millia : et dedicávit domum Dei rex, et univérsus pópulus.

**R.** In dedicatióne templi decantábat pópulus laudem : \* Et in ore eórum dulcis resonábat sonus.

**V.** Fundáta est domus Dómini supra vérticem móntium, et vénient ad eam omnes Gentes. — Et in ore.

**Bened.** Unigénitus Dei.

**Lectio ij.**

**S**acerdótes autem stabant in officiis suis : et Levítæ in órganis carminum Dómini, quæ fecit David rex ad laudándum Dóminum : Quóniam in ætérnum misericórdia ejus, hymnos David canéntes per manus suas : porrosacerdótes canébant tubis ante eos, cunctúsque Israel stabat. Sanctificávit quoque Sálomon médium átrii ante templum Dómini : obtúlerat enim ibi holocáusta et ádipes pacificórum : quia altáre æneum, quod fécerat, non póterat sustinére holocáusta et sacrificia et ádipes. Fecit ergo Sálomøn solemnitétem in témpore



illo septem diébus, et omnis Israel cum eo, ecclesia magna valde, ab intróitu Emath usque ad torrén-tem Ægypti. Fecitque die octávo colléctam, eo quod dedicásset altáre septem diébus, et solemnitétem celebrásset diébus septem.

**R.** Fundata est domus Dómini supra vérticem móntium, et exaltata est super omnes colles : \* Et vénient ad eam omnes Gentes, et dicent, Glória tibi Dómine. **V.** Venientes autem vénient cum exultatióne, portantes manipulos suos. — Et vénient.

**Bened.** Spiritus sancti.

**Lectio iij.**

**C**omplevitque Sálomon domum Dómini, et domum regis, et ómnia quæ disposúerat in corde suo, ut fáceret in domo Dómini, et in domo sua, et prosperátus est. Appáruit autem ei Dóminus nocte, et ait : Audívi oratióne tuam, et elégi locum istum mihi in domum sacrificii. Si cláusero cælum, et plúvia non flúxerit, et mandávero et præcépero locústæ, ut devoret terram, et misero pestiléntiam in pópulum meum :

convérsus autem pópulus meus, super quos invocátum est nomen meum, deprecátus me fúerit, et exquísierit fáciem meam, et égerit pœniténtiam a viis suis péssimis : et ego exáudiam de cœlo, et propítius ero peccátis eórum, et sanábo terram eórum. Oculi quoque mei erunt apérti, et aures meæ eréctæ ad oratióne ejus qui in loco isto oráverit. Elégi enim, et sanctificávi locum istum, ut sit nomen meum ibi in sempitérnum, et permáneant óculi mei, et cor meum ibi cunctis diébus.

**R.** Benedic Dómine domum istam, quam ædificávi nómini tuo : veniéntium in loco isto, \* Exáudi preces in excélsó sóli glóriæ tuæ. **V.** Dómine, si convérsus fúerit pópulus tuus, et oráverit ad sanctuárium tuum. — Exáudi. **Glória Patri.** Exáudi.

**In II. Nocturno.**

**Añã.** Non est hic áliud, \* nisi domus Dei, et porta cœli.

**Psalmus lxxiij.**

**Q**uam dilécta tabernácula tua Dómine virtutum : \* concupiscit, et déficit áni-

ma mea in átria Dómini. Cor meum, et caro mea \* exultavérunt in Deum vivum.

Etenim passer invénit sibi domum : \* et turtur nidum sibi, ubi ponat pullos suos.

Altaria tua Dómine virtutum : \* Rex meus, et Deus meus.

Beáti, qui hábitant in domo tua Dómine : \* in sæcula sæculórum laudábunt te.

Beátus vir, cujus est auxiliium abs te : \* ascensiones in corde suo dispósuit, in valle lacrymarum in loco, quem pósuit.

Etenim benedictiõem dabit legislátor, ibunt de virtute in virtutem : \* vidébitur Deus deórum in Sion.

Dómine Deus virtutum exáudi oratióne meam : \* auribus pércipe Deus Jacob.

Protéctor noster aspice Deus : \* et respice in fáciem Christi tui :

Quia mélior est dies una in átriis tuis \* super millia.

Elégi abjectus esse in domo Dei mei : \* magis quam habitare in tabernaculis peccatórum.

Quia misericórdiam, et

veritátem diligit Deus : \* grátiam, et glóriam dabit Dóminus.

Non privábit bonis eos, qui ámbulant in innocéntia : \* Dómine virtutum, beátus homo, qui sperat in te.

**Añã.** Non est hic áliud, nisi domus Dei, et porta cœli.

**Añã.** Vidit Jacob scalam, \* súmmis ejus cœlos tangébat, et descendentes Angelos, et dixit : Vere locus iste sanctus est.

**Psalmus lxxviij.**

**F**undaménta ejus in móntibus sanctis : \* diligit Dóminus portas Sion super ómnia tabernacula Jacob.

Glóriosa dicta sunt de te, \* civitas Dei.

Memor ero Rahab, et Babilónis \* sciéntium me.

Ecce alienígenæ, et Tyrus, et pópulus Æthiopum, \* hi fuérunt illic.

Numquid Sion dicet : Homo, et homo natus est in ea : \* et ipse fundávit eam Altissimus?

Dóminus narrábit in scriptúris populórum, et príncipum : \* horum, qui fuérunt in ea.

Sicut lætántium ómnium \* habitatio est in te.



**Añā.** Vidit Jacob scalam, sūmmitas ejus cœlos tangēbat, et descendētes Angelos, et dixit: Vere locus iste sanctus est.

**Añā.** Erēxit Jacob \* lapidem in títulum, fundens óleum désuper.

**Psalmus lxxvij.**

**D**omine Deus salutis meae: \* in die clamavi, et nocte coram te.

Intret in conspēctu tuo oratio mea: \* inclina aurem tuam ad precem meam:

Quia replēta est malis anima mea: \* et vita mea inférno appropinquavit.

Æstimatus sum cum descendētib; in lacum: \* factus sum sicut homo sine adjutório, inter mórtuos liber,

Sicut vulnerati dormientes in sepúlcris, quorum non es memor amplius: \* et ipsi de manu tua repulsi sunt.

Posuerunt me in lacu inferióri: \* in tenebrós; et in umbra mortis.

Super me confirmatus est furor tuus: \* et omnes fluctus tuos induxisti super me.

Longe fecisti notos meos a me: \* posuerunt me abominatióem sibi.

Tráditus sum, et non egrediēbar: \* óculi mei languerunt præ inópia.

Clamavi ad te Dómine tota die: \* expādi ad te manus meas.

Numquid mórtuis faciēs mirabilia: \* aut medici suscitábunt, et confitebúntur tibi?

Numquid narrabit aliquis in sepúlcro misericórdiam tuam, \* et veritatem tuam in perditióe?

Numquid cognoscētur in tēnebris mirabilia tua: \* et justitia tua in terra obliuónis?

Et ego ad te Dómine clamavi: \* et mane oratio mea præueniet te.

Ut quid Dómine repellis oratióem meam: \* avērtis faciē tuam a me?

Pauper sum ego, et in labórib; a juventute mea: \* exaltatus autem, humiliatus sum et conturbatus.

In me transierunt irae tuae: \* et terróres tui conturbaverunt me.

Circumdederunt me sicut aqua tota die: \* circumdederunt me simul.

Elongasti a me amicum, et próximum: \* et notos meos a miséria.

**Añā.** Erēxit Jacob lapidem in títulum, fundens óleum désuper.

**V.** Domus mea. **R.** Domus oratiónis vocábitur.

Pater noster. **Absol.** Ipsius pietas. **V.** Jube domne. **Bened.** Deus Pater.

Sermo sancti Augustini Episcopi.

**Serm. cclij. de Tempore.**

**Lectio iii.**

**Q**uotiescúmque, fratres caríssimi, altaris vel templi festivitatem colimus, si fideliter ac diligenter attendimus, et sancte ac juste vivimus, quidquid in templis manufactis agitur, totum in nobis spiritali aedificatióne complétur. Non enim mentitus est ille, qui dixit: Templum enim Dei sanctum est, quod estis vos: et iterum: Nescitis, quia cõpora vestra templum sunt Spiritus sancti, qui in vobis est? Et ideo, fratres caríssimi, quia nullis præcedentibus méritis per grátiam Dei meruimus fieri templum Dei, quantum possumus cum ipsius adjutório laborémus, ne Dóminus noster in templo suo, hoc est, in nobis ipsis invēniat, quod óculos suae majestatis offēdat.

**R.** Orántibus in loco isto, \* Dimitte peccata populi tui Deus, et ostēde eis viam bonam, per quam ambulent, et da glóriam in loco isto. **V.** Qui regis Israel intēde, qui deducis velut ovem Joseph, qui sedes super Chérubim. — Dimitte.

**Bened.** Christus perpétuae.

**Lectio ii.**

**S**ED habitaculum cordis nostri evacuatur vitis, et virtutibus repleatur: claudatur diabolo, et aperiatur Christo: et ita laborémus, ut nobis bonorum óperum clavibus januam regni cœlestis aperire possimus. Sicut enim malis opérib; quasi quibusdam seris ac véctibus, vitæ nobis janua clauditur: ita absque dubio bonis opérib; aperitur. Et ideo, fratres caríssimi, unusquisque consideret consciéntiam suam, et quando se aliquo crimine vulneratum esse cognoverit, prius oratióibus, jejuniis vel elemosynis studeat mundare consciéntiam suam, et sic Eucharistiam præsumat accipere.

**R.** O quam metuendus est locus iste: \* Vere non est hic aliud, nisi domus



Dei, et porta caeli. *℣.* Hæc est domus Dómini firmiter ædificáta, bene fundáta est supra firmam petram. — Vere.

*Benedictio.* Ignem sui amoris.

*Lectio vj.*

**S**tenim agnóscens reatum suum, ipse se a divíno altári subtráxerit, cito ad indulgéntiam divínæ misericórdiæ perveniet. Quia sicut, qui se exáltat, humiliábitur; ita e contrário, qui se humiliat, exaltábitur. Qui enim, sicut dixi, agnóscens reatum suum, ipse se humíliter ab altári Ecclesiæ pro emendatióne vitæ removére volúerit, ab ætérno illo et cœlésti convívio excommunicári pénitus non timébit.

*℟.* Mane surgens Jacob erigébat lápidem in titulum, fundens óleum désuper, votum vovit Dómino: \* Vere locus iste sanctus est, et ego nesciébam. *℣.* Cumque evigilasset Jacob de somno, ait. — Vere locus. Glória Patri. Vere.

*In III. Nocturno.*

*Añã.* Qui hábitat \* in adjutório Altíssimi, in protectiõe Dei cœli commorábitur.

*Quando hæc Añã dicitur integra, et illi non additur in fine Allelúia. tunc incipitur idem Psalmus secundo versu. Dicit Dómino.*

*Psalmus xc.*

**Q**UI hábitat in adjutório Altíssimi, \* in protectiõe Dei cœli commorábitur.

**D**icet Dómino: Suscéptor meus es tu, et refúgium meum: \* Deus meus sperábo in eum.

Quóniam ipse liberávit me de láqueo venántium, \* et a verbo áspero.

Scápuis suis obumbrábit tibi: \* et sub pennis ejus sperábis.

Scuto circúmdabit te véritas ejus: \* non timébis a timóre noctúrno,

A sagitta volánte in die, a negótio perambulánte in ténebris: \* ab incúrsu, et dæmónio meridiáno.

Cadent a látere tuo mille, et decem millia a dextris tuis: \* ad te autem non appropinquábit.

Verúm tamen óculis tuis considerábis: \* et retributió nem peccatórum vidébis.

Quóniam tu es Dómine spes mea: \* altíssimum posuísti refúgium tuum.

Non accédet ad te malum: \* et flagéllum non appropinquábit tabernáculo tuo.

Quóniam Angelis suis mandávit de te: \* ut custódiant te in ómnibus viis tuis.

In má nibus portábunt te: \* ne forte offéndas ad lápidem pedem tuum.

Super áspidem, et basiliscum ambulábis: \* et conculcábis leónem et draconem.

Quóniam in me sperávit, liberábo eum: \* prótegam eum, quóniam cognóvit nomen meum.

Clamábit ad me, et ego exáudiam eum: \* cum ipso sum in tribulatiõe: erípiam eum et glorificábo eum.

Longitúdine diérum replébo eum: \* et osténdam illi salutáre meum.

*Añã.* Qui hábitat in adjutório Altíssimi, in protectiõe Dei cœli commorábitur.

*Añã.* Templum Dómini \* sanctum est, Dei structúra est, Dei ædificatiõe est.

*Psalmus xcj.*

**C**antáte Dómino cánticum novum: \* cantáte Dómino omnis terra.

Cantáte Dómino, et benedicite nómini ejus: \* annuntiáte de die in diem salutáre ejus.

Annuntiáte inter Gentes glóriam ejus, \* in ómnibus pópulis mirabilia ejus.

Quóniam magnus Dóminus, et laudábilis nimis: \* terribilis est super omnes deos.

Quóniam omnes dii Géntium dæmónia: \* Dóminus autem cœlos fecit.

Conféssio, et pulchritúdo in conspéctu ejus: \* sanctimónia et magnificéntia in sanctificatiõe ejus.

Afférte Dómino pátriæ Géntium, afférte Dómino glóriam et honórem: \* afférte Dómino glóriam nómini ejus.

Tóllite hóstias, et introíte in átria ejus: \* adoráte Dóminum in átrio sancto ejus.

Commoveátur a fácie ejus unívérsa terra: \* dicit in Géntibus quia Dóminus regnávit.

Etenim corréxit orbem terræ, qui non commovébitur: \* judicábit pópulos in æquitáte.

Læténtur cœli, et exsúltet terra, commoveátur



mare, et plenitudo ejus : \* gaudébunt campi, et omnia quæ in eis sunt.

Tunc exsultábunt omnia ligna silvárum a fácie Dómini, quia venit : \* quoniam venit judicáre terram.

Judicábit orbem terræ in æquitáte, \* et pópulos in veritáte sua.

**Añã.** Templum Dómini sanctum est, Dei structúra est, Dei ædificatio est.

**Añã.** Benedicta \* glória Dómini, de loco sancto suo, allelúia.

**Psalmus cxbij.**

**D**ominus regnávít, irascántur pópuli : \* qui sedet super Chérubim, moveátur terra.

Dóminus in Sion magnus : \* et excélsus super omnes pópulos.

Confiteántur nómini tuo magno : quoniam terribile, et sanctum est : \* et honor Regis iudicium diligit.

Tu parásti directiónes : \* iudicium et justítiam in Jacob tu fecísti.

Exaltáte Dóminum Deum nostrum, et adoráte scabéllum pedum ejus : \* quoniam sanctum est.

Móyses et Aaron in sacerdotibus ejus : \* et Sá-

muel inter eos, qui invocant nomen ejus :

Invocabant Dóminum, et ipse exaudiébat eos : \* in columna nubis loquebátur ad eos.

Custodiébant testimónia ejus, \* et præcéptum quod dedit illis.

Dómine Deus noster, tu exaudiébas eos : \* Deus, tu propítius fuísti eis, et ulciscens in omnes adinventiones eórum.

Exaltáte Dóminum Deum nostrum, et adoráte in monte sancto ejus : \* quoniam sanctus Dóminus Deus noster.

**Añã.** Benedicta glória Dómini, de loco sancto suo, allelúia.

**V.** Hæc est domus Dómini firmiter ædificata.

**R.** Bene fundata est supra firmam petram.

Pater noster. **Absol.** A vinculis. **V.** Jube domne.

**Bened.** Evangélica lectio.

Lectio sancti Evangélii secundum Lucam.

**Lectio vij. Cap. xix.**

**I**n illo tempore : Ingressus Jesus perambulábat Jéricho. Et ecce vir nómine Zachæus : et hic princeps erat publicanórum, et ipse dives. Et reliqua.

Homília sancti Ambrósii Episcopi.

**Lib. 8. in Luc. prope finem.**



Zachæus statura pusillus, hoc est, nulla nobilitatis ingénitæ dignitate sublimis, exiguus méritis sicut pópulus nationum, audito Dómini Salvatoris adventu, quem sui non receperant, vidére cupiébat. Sed nemo fácte Jesum videt : nemo potest Jesum vidére constitutus in terra. Et quia non Prophétas, non legem habébat, tamquam formæ grátiam naturalis, ascéndit in sycómorum, vanitatem scilicet Judæorum vestigio suo próterens, errata quoque corrigens superioris ætatis : et ideo Jesum in interiõris domus recépit hospítio.

**R.** Domus mea, domus orationis vocabitur, dicit Dóminus : in ea omnis qui petit, accipit, et qui quærit, invenit : \* Et pulsanti aperiétur. **V.** Pétite, et accipiétis : quærite, et inveniétiis. — Et pulsanti. **Bened.** Divinum auxilium.

**Lectio viij.**

**E**t bene ascéndit in arborem, ut arbor bona bonos fructus fáceret : ac naturali excisus oleastro,

et contra naturam insertus in bonam olivam, fructum posset legis afferre. Radix enim sancta, etsi rami inútiles : quorum infructuosam glóriam plebs Géntium fide resurrectionis, quasi quadam corpore elevatione transcendit. Zachæus ergo in sycómoro, cæcus in via : quorum álium Dóminus miseráturus exspéctat, álium mansiónis suæ claritate nobilitat : álium sanáturus interogat, apud álium se non invitatus invitatur. Sciébat enim úberem hospítii sui esse mercedem. Sed tamen, etsi nondum vocem invitantis audierat, jam viderat afféctum.

**R.** Lápides pretiosi omnes muri tui : \* Et tures Jerúsalem gemmis ædificabuntur. **V.** Portæ Jerúsalem ex sapphiro et smaragdo ædificabuntur, et ex lapide pretioso omnis circumfuitus muri ejus. — Et tures. **Glória Patri.** Et tures. **Bened.** Ad societatem.

**Lectio ix.**

**V**erum ne cæcum illum tamquam fastidiosi pauperum cito reliquisse videámur, et transisse ad divitem, expectémus



eum, quia exspectavit et Dominus: interrogemus eum, quia interrogavit et Christus. Nos interrogemus, quia nescimus: ille, quia noverat. Nos interrogemus, ut sciamus unde iste curatus sit: ille interrogavit, ut in uno plures disceremus, unde Dominum videre mereamur. Interrogavit enim, ut crederemus, neminem nisi confitentem posse salvari.

Te Deum laudamus. 19.

AD LAUDES, et per Horas, Añæ.

1. Domum tuam Domine \* decet sanctitudo, in longitudinem dierum.

Ps. Dominus regnavit cum reliquis. 20.

2. Domus mea, \* domus orationis vocabitur.

3. Hæc est domus Domini \* firmiter ædificata, bene fundata est supra firmam petram.

4. Bene fundata est \* domus Domini supra firmam petram.

5. Lápides pretiosi \* omnes muri tui, et turres Jerúsalem gemmis ædificabuntur.

Capitulum. Apoc. xxj.

Vidi civitatem sanctam Jerúsalem novam descendentem de celo a

Deo, paratam sicut sponsam ornata viro suo.

Hymnus.

Alto ex Olympi vertice Summi Parentis Filius, Ceu monte desectus lapis Terras in imas decidens, Domus supernæ, et infimæ, Utrumque junxit angulum.

Sed illa sedes Cœlitum Semper resultat laudibus, Deumque Trinum et Unicum

Jugi canore prædicat: Illi canentes jungimur Almæ Sionis æmuli.

Hæc templa, Rex Cœlestium,

Imple benigno lumine: Huc o rogatus adveni, Plebisque vota suscipe, Et nostra corda jûgiter Perfunde cœli gratia.

Hic impetrent fidelium Voces precésque supplicum

Domus beatae mûnera, Partisque donis gaudeant: Donec soluti corpore Sedes beatas impleant.

Decus Parenti debitum Sit usquequaque altissimo, Natoque Patris unico, Et inclyto Paráclito,

Cui laus, potestas, gloria Æterna sit per sæcula. Amen.

¶. Hæc est domus Domini firmiter ædificata.

℟. Bene fundata est supra firmam petram.

Ad Bened. Añæ Zachæe \* festinans descende, quia hodie in domo tua oportet me manere: at ille festinans descendit, et suscepit illum gaudens in domum suam. Hodie huic domui salus a Deo facta est, allelúia.

In ipso die Dedicat. Ecclesiae, et per Octavam, et quando varianda est Oratio ob concursum Dedicat. alterius Ecclesiae.

Oratio.

Deus, qui invisibiliter omnia contines, et tamen pro salute generis humani signa tuæ potentiae visibiliter ostendis: templum hoc potentia tuæ inhabitatiónis illustra, et concede; ut omnes, qui huc deprecaturî conveniunt, ex quacumque tribulatione ad te clamaverint, consolatiõnis tuæ beneficia consequantur. Per Dominum.

In Annivers. Dedicat. Ecclesiae, et per Octavam.

Oratio.

Deus, qui nobis per singulos annos hujus sancti templi tui conse-

cratiõnis reparas diem, et sacris semper mysteriis repræséntas incólumes: exaudi preces pópuli tui, et præsta; ut quisquis hoc templum beneficia petiturus ingreditur, cuncta se impetrasse lætetur. Per Dominum.

AD TERTIAM.

Añæ. Domus mea. Capit. Vidi civitatem. ut supra. [174]

℟. br. Domum tuam Domine, \* Decet sanctitudo. Domum. ¶. In longitudinem dierum. Decet. Glória Patri. Domum.

¶. Locus iste sanctus est, in quo orat sacerdos. ℟. Pro delictis et peccatis pópuli.

AD SEXTAM.

Añæ. Hæc est domus Domini.

Capitulum. Apoc. xxj.

ET audivi vocem magnam de throno dicentem: Ecce tabernaculum Dei cum hominibus, et habitabit cum eis. Et ipsi populus ejus erunt, et ipse Deus cum eis erit eorum Deus.

℟. br. Locus iste sanctus est, \* In quo orat sacerdos. Locus. ¶. Pro delictis et peccatis pópuli.